

26.09.2025

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquteqarpunga:

Naalakkersuisunut apeqqutit:

- 1. Ittoqqortoormiini kiisalu Kangerlussuarmi qilalugaqarfiusuni qilalukkanik satellit senderilersuisoqarnikuuvoq. Taakkua pillugit Naalakkersuisut innuttaasunut paasissutissanik tutsuiginartunik paasititsiniaaniarpat?**
- 2. Innuttaasunut paasititsiniaaneq taakkua qilalukkat sumiittarneri pillugit innuttaasunut paasititsiniaanikuuppat?**
 - a. Imaluunniit Naalakkersuisut uumassusilerisunut paasitsinneqarnikuuppat sumut ingerlaarsimanersut?**
 - b. Paasissutissat sumut aasinnaavakka taakkoqqissaat qilalukkat pillugit?**

(Inatsisartunut ilaasortaq Gerth Mikaelson, Naleraq)

Tunngavilersuutit:

Tasiilap avannaani Kangerlussuarmi kiisalu Ittoqqortoormiut kangerluani qilalukkanik qernertanik Satellit senderilersuisoqarnikuuvoq. Taakkulu pillugit innuttaasut sinnerlugit paaserusunnaarput assut qanoq ingerlaartarsimaneri. Innuttaasut paasiniassavaat piniakkat sooq taamak annertutigisumik killilersuiffiqineqarnersut. Piniartut oqartaraluarput qilalugarpassuaqartoq, akerlianik uumassusilerisut oqartarput nungulersut. Taamaammat Innuttaasutut nunap inoqqaavisut pisinnaatitaaffik naapertorlugu paaserusunnaarsinnaavoq ilumut naapertuuttumik paasitinneqartarnerluta. Killilersuinerujussuaq akerleriissutaajuaannartoq qaangerniarutsigu arlaatigut iliuusissamik nassaassagutta, tamakkua misissuinerit Inuit Inoqqaavisut pisinnaatitaaffigut atorlugit paaserusukkaluarpakka innuttaasut sinnerlugit.

Nunarput piniartoqarfiuvoq, naasorissaasutut ingerlanikuunngilaq qangarujussuarlili. Piniartutut kisimik inuuniutitut ingerlanikoq sulit taamatut ingerlarusuppoq. Aamma allanngortinniarneqarnera unitsilluinnartariaqarpoq. Piniartoorusuttut piniartuussapput, aalisartoorusuttut aalisartuussapput, sulisartoorusuttullu sulissapput! Nunatsinni pinngitsaaliilluni killilersuilluni ingerlariaaseq unilluinnartariaqarpoq. Uagut nunap inoqqaavisut pisinnaatitaaffeqarpugut. Qallunaatut tamatta inoorusunngilagut. Tamatta inissaqartariaqarnermik Naalakkersuisut oqariartuutaat attanneqassappat, aamma piniartut pisinnaatitaaffeqarput.



Naammagiinarunnaarlugu iliuuseqarniarta, suut tamarmik akitsoraluttuinnartillugit malinnaasariaqarpugut. Piniartut inuiaat allatuulli akiligassaqarput, pilersugassaqarput. Aamma ineriartorusuttarput.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.